



OINETAKOAK – Maila aurreratua

Prozedura irekiaren bidez eta lehiaketagatiko esleipen bidez kontratatzeko ingurumen irizpideak

1. Kontratuaren xedea eta espezifikazioak

1.1. Kontratuaren xedea

1. Koadroa

Kontratu honen xedea laneko oinetakoak erostea da. Laneko segurtasuna eta osasuna ziurtatzeko eta ingurumen-inpaktuak murrizteko, berme hauek beharrezkoak dira: azken produktuak substantzia kaltegarririk ez izatea, produktuaren fase guztietan langileen giza eskubideak eta eskubide unibertsalak errespetatzea eta, ingurumen-kalitateari buruzko gutxieneko irizpideak ezartzea.

1.2. Esleipen-irizpideetan bete beharreko zehaztapen teknikoak eta zehaztapen baloragarriak

2. Koadroa

Aintzat hartuko da produktuaren zuntz kantitatea –pisuaren ehunekotan– Oeko-Tex 100¹ edo antzekoan zehazturiko substantzien baldintzak betetzen dituzten amaierako produktuetan.

Aintzat hartuko da produktuaren zuntz kantitatea –pisuaren ehunekotan– Europar Batasuneko Etiketa Ekologikoan² edo baliokidean zehazturiko produktu kimikoen eta ehun-zuntzen irizpideak betetzen dituzten produktuetan.

Aintzat hartuko da eskainitako produktuaren zuntzen edo elementu birziklatuen portzentajea, pisuan. Ekoizpen-hondarretatik, ehungintzatik, jantzigintzako ebakinetatik eta kontsumitu ondorengo ehun-hondakinetatik eratorriak dira zuntz birziklatuak.

Aintzat hartuko da nekazaritza ekologikoko zuntz naturalez egindako produktuaren portzentajea, pisuan, estandar hauen arabera: Europar Batasuneko

¹ https://www.oeko-tex.com/en/business/certifications_and_services/ots_100/ots_100_start.shtml

² Oinetakoak. Uztaila 2009.

<http://eurlex.europa.eu/LexUriServ/LexUriServ.do?uri=OJ:L:2009:196:0027:0035:ES:PDF>

834/2007 zk.-dun EEE araudiaren arabera, AEBko Nekazaritza Saila-USDArenak (National Organic Program-en arabera) edo nazioarteko IFOAM erakundearena edo horren baliokideena.

3. Koadroa

- Oinetakoen ehun-osagaietako formaldehido askeko eta partzialki hidrolizagarriko kantitatea ez da antzemangarria izango (EN ISO 14184-1-en edo baliokidearen arabera), eta larruzko osagaietan, ez da 150 ppm-tik gorakoa izango (EN ISO 17226- 1en edo baliokidearen arabera).
- Larruzko oinetakoetan, produktu bukatuak ez du **kromo VI** izango, EN ISO 17075 entsegu-metodoa (antzemate-muga: 3ppm), ezta baliokiderik ere.
- Ekoizpen prozesuan ez da **pentaklorofenolik (PCF) ez tetraklorofenolik (TCF)** erabiliko, ezta haien gatzik edo esterrik ere. Hori egiaztatzeko ez dira honako entsegu metodo hauen bitartez antzemateko modukoak izango: larrua, EN ISO 17070 (antzemate-muga: 0,1 ppm) edo baliokideak; ehun-produktuak, XP G 08-015 (antzemate-muga: 0,05 ppm) edo baliokidea.
- Oinetakoak ez du **PVC**rik izan behar.

4. Koadroa

- Laneko eta segurtasuneko oinetakoek EE marka eramango du 89/686/EEE Zuzentarauarekin onestuta. [Segurtasun-ekipoetarako oinetakoak dituzten jantzien eskaintzetan]

5. Koadroa

- Hurrengo balioak errespetatuko dira: [Gainerako oinetako motetan]
 - **Oinbularraren** urraketarekiko erresistentzia (EN 13571 edo antzekoaren arabera):
Larrua: ≥ 40
Beste zenbait material: ≥ 40
 - **Zolaren** urraketarekiko erresistentzia (EN 12771 edo antzekoaren arabera):
D = 0,9 g/cm³: 6
D = 0,9 g/cm³: 4

1.2.1. Ingurumen-irizpide orokorrak zerbitzuari dagokionez

6. Koadroa

- Produktuak banatzean, eskaintzaileak bere gain hartu behar du garraio-bilgarrien kudeaketa, bai zuzenean berrerabiltzeko, bai gaikako bilketa egiteko.
Bilgarriak berrerabilgarriak izatea eta esleipendunak horiek biltzea balioetsi egingo da.
- Eskuekin erraz bereizteko modukoak izan behar dute bilgarriek, birziklapena errazteko.
Produktuetan ahalik eta material bilgarri gutxien erabiltzea balioetsiko da.

2. Gauzatze-irizpideak

Laneko segurtasun- eta osasun-neurriak ezartzeko eta giza eskubideak nahiz eskubide unibertsalak errespetatzeko bermea, Lanaren Nazioarteko Erakundearen (LANE)³ arauen arabera garrantzitsua da desaurkitutako sektorean.

Europako gomendioen arabera, eskakizun mota horiek kontratuaren betetze-baldintzei dagozkie. Hortaz, haiek errespetatzeko, honako klausula hau txertatzea gomendatzen da.

7. Koadroa

- Gaitasun profesionala egiaztatu behar du enpresak; horretarako, bermatu egin behar du LANE-ren Adierazpenean jasotako laneko printzipio eta funtsezko eskubideak errespetatuz egin direla jantzien ekoizpenean erabilitako ehunak eta berariazko materialak, baita jantziak berak ere (bertakoak edo azpikontratazio bidez eginak). Halaber, ingurumenarekin eta laneko arriskuen prebentzioarekin bat etorri behar du enpresaren kudeaketa-politikak.
- Aipatutako gaitasuna egiaztatzeko, enpresaren konpromiso etikoa adierazi behar dute eskaintzaileek (ikus X eranskina), agiri hauek aurkeztuta:
 1. Azken produktuaren fabrikatzailearen datu zehatzak (enpresaren izena, helbidea, telefono-zenbakia, udalerrria, posta-kodea, herrialdea) jasotzen dituen aitortpena.
 2. Zerrenda honetako edozein agiri, lanean LANE-ren funtsezko itunak betetzen direla frogatzeko:

³ <http://www.ilo.org/global/about-the-ilo/lang--es/index.htm>

- 2.1. Jokabide-kodearen ziurtagiria (SA 8000⁴ / Fair Wear Foundation⁵ edo baliokidea) edo
 - 2.2. Kanpoko enpresa independenteek egindako ikuskaritza-ziurtagiria (enpresa ziurtagiri-emailearen izena, helbidea, telefono-zenbakia eta harekin harremanetan jartzeko datuak jarri behar dira) edo
 - 2.3. Ikuskaritza enpresak berak egin badu, enpresak sortutako agiriak, erabilitako estandarrak eta prozedurak azaltzen dituztenak.
- Ingurumenaren jarraipena: esleipendunak sei hilean edo urtean behin aurkeztu beharko ditu bere eskaintzan adierazitako produktuak –ingurumenarentzat egokiagoak direnak– erosi dituela erakusten duten fakturak.

3. Esleipen irizpideak

Esleipen-irizpideetan, elementu baloragarri bakoitzari ezarriko zaion haztapena zehaztu behar da. Ingurumen-irizpideak erabiliz erositako oinetakoetan, alderdi hauek balora daitezke, besteak beste:

8. Koadroa

- **Produktuen ingurumen-alderdiak eta alderdi teknikoak, % 21eraino.**
 - Oeko-Tex 100 estandarraren arabera, amaierako produktuan substantzia mugak betetzen dituzten produktuen % handiagoa, %7raino.
 - Europako Etiketatze ekologikoan, Beltxarga Zurian edo baliokidean zehaztutako substantzia kimikoei, ehun-zuntzei edo materialei buruzko irizpideak betetzen dituzten zuntzen batez besteko % produktu-kopuru osoari dagokionez, [edo artikuluko bakoitzetik erositako kopuruaren arabera haztatutako produktu-kopuru osoari dagokionez], % 7raino.
 - Birziklatutako elementuen batez besteko % eta/edo nekazaritza ekologikoko landare-zuntzen %, produktu-kopuru osoari dagokionez, [edo artikuluko bakoitzetik erositako kopuruaren arabera haztatutako artikuluen kopuru osoari dagokionez], % 7raino.
- **Produktuen ontzi eta bilgarrietako hobekuntzak, % 4raino:**
 - Bilgarri ahalik gutxien [2]
 - Berrerabilgarria [2]

⁴ <http://www.sa-intl.org/>

⁵ <http://www.fairwear.org/>

4. Eskaintza teknikoaren edukia: eskaintza-aurkezpena

Eskaintzen eta aurkeztutako agirien ebaluazioa errazteko, agiriak aurkezteko modu jakin bat eskatu behar da baldintza-agirian. Informazio hori lehiaketa-deialdian zehaztu behar da, eskaintzaileek garaiz izan dezaten.

9. Koadroa

Eskaintzaileak agiri hauek aurkeztu behar ditu, honela:

1. **Ingurumen-eskakizunen egiaztapen-zerrenda**⁶ behar bezala beteta, sinatuta eta zigilatuta. Horrekin batera, nahitaezko irizpideak eta irizpide baloragarriak (eskaintzaileak hartutako konpromisoak) bermatzen dituzten **egiaztagiri guztiak** aurkeztu behar dira.

Baldintza-agirian ezarritako estandarrak eta bestelako egiaztagiri batzuk baliokideak direla frogatzea eskaintzaileari dagokio; horretarako, baliokidetza hori erakusten duten azterlan teknikoak aurkeztu beharko ditu.

⁶ Kapitulu honetako «Hornitzaileentzako checklista» dokumentua ikusi.

Eskuragarri: <http://www.ihobe.eus/> > Jarduera eremuak > Erosketa Publiko Berdea

X. Eranskina: enpresaren konpromiso etikoaren ziurtagiri-eredua

(OHARRA: enpresaren lege-ordezkariek sinatu behar du agiri hau, eta enpresaren paperean inprimatu behar da. Agiri hau eredu bat besterik ez da).

Behean sinatzen duenak,k, (NAN zk:.....), helbidean dagoen enpresaren ordezkari den aldetik, eta bere ardurapean,

ZIURTATZEN DU:

Enpresa hauek egin eta hornitzen dutela azken produktua: (Horietako bakoitzaren helbidea, zenbakia, hiria, udalerrria, telefono-zenbakia, harremanetarako pertsona eta herrialdea adierazi behar dira)

- a)
- b)
- c)
-

Bermatu egiten dugula LANE-ren Adierazpenean jasotako laneko printzipio eta funtsezko eskubideak errespetatuz egin direla jantzien ekoizpenean erabilitako ehunak eta berariazko materialak, eta jantziak berak (bertakoak edo azpikontratazio bidez eginak), eta, bestalde, enpresaren kudeaketa-politikak ingurumena eta laneko arriskuen prebentzioa aintzat hartu dituela.

Alderdi hori egiaztatzeko, idatzi honekin batera agiri hauek aurkezten ditugula:

- Jokabide-kodearen ziurtagiria (SA 8000 / Fair Wear Foundation edo baliokidea) edo
- Kanpoko enpresa independenteek egindako ikuskaritza-ziurtagiria (horrekin batera enpresa ziurtagiri-emailearen izena, helbidea, telefono-zenbakia eta harekin harremanetan jartzeko datuak) edo
- Ikuskaritza enpresak berak egin badu, bertan sortutako agirien adierazpena (adierazi zer estándar eta kontrol-prozedura erabili dituen).

Halaber, egiaztatzen dugu (50 langile baino gehiagoko enpresentzat bakarrik) gaur egun enplegua eskuratzeko zailtasuna duten pertsonak ari direla lanean enpresa honetan (adierazi kopurua), hau da, ezaugarri hauetakoren bat duten langileak: emakumezkoak, 16 eta 30 urte bitarteko gazteak, 45 urtetik gorakoak, % 33 edo gehiagoko minusbaliotasuna aitortu zaienak, gizarteratzeko gutxieneko errenta jasotzen dutenak, etorkinak, adin txikikoak babesteko erakundeetatik etorritakoak, birgaitzeko eta/edo gizarteratzeko bidean dauden drogazaleak edo alkoholikoak eta

enplegua eskuratzeko aukera duten pertsona espetxeratuak (baldintzapeko askatasuna dutenak edo preso ohiak). Halaber, egiaztatzen dugu lankidetzaren hitzarmena dugula gizarteratze-enprekin eta/edo enpleguzentro bereziekin.

Hala izatekotan, enpresari buruzko informazioa eta harekin harremanetan jartzeko datuak eman (helbidea, zenbakia, hiria, udalerria, telefono-zenbakia, harremanetarako pertsona).

Sinadura

Enpresaren zigilua